

鬧中苦

鬧中苦况極淒涼塵海悲歌泣數行世事如棋不易着人情似  
膽最難嘗問誰解得風波險游子相逢面自蒼我願浮生多息  
足白雲深處樂無央

靜中樂

靜中樂事倩誰傳魚鳥親人喜欲顛野步安閒真福地山居快  
活卽壺天將雲補嶂浮青竹引水通池養白蓮都是一般清意  
味誰知幽客自陶然

留題天竺院賜葉居士

將去又留半刻談春風回繞徑三三不知門外閒花落細撥爐

道藏輯要

三丰全集

古今詩類

三

續畢集九

灰坐小菴

山行

細雨空濛碧嶂深好山無數影沉沉蕭然野寺人踪少草滿仙  
壇靜道心

自述與汪子

做盡瘋狂妝盡歎歸真守道遠塵埃風波險處抽身轉水月光  
中鑑面來山頂時聞元鶴嘯石頭小坐白雲陪者般景象誰能  
得說與同門笑眼開

採蓮歌

蓮葉蓮花正滿塘納涼人坐水中央忽聞艇子撐煙外蕩得芙

蓉滿澗香

聽夢九子思敏讀書

最宜聽是讀書聲  
隔院傳來字字明  
楊柳當窗草滿地  
春宵雨過一齋清

簫雲歌賜夢九

君莫羨鴻行遠鶴翥空  
君莫誇豹披霧虎嘯風  
聽我歌一曲其氣更能渥  
淫余吾生青龍是名天  
馬馬之雄西涉流沙數萬里  
一蹴上與青雲通雲程迢迢雲氣濛濛  
雲衢渺渺雲影溶溶忽然幾陣罡風吹入四蹄上  
直踏十三萬仞來蒼穹噫嘻乎快不可追高不可及  
怕有仙之人兮與爾長相後

道藏輯要

三丰全集

古今詩類

四

續畢集九

御風吟

生不願歌大風懷壯士亦不願乘長風破萬里  
嘗願身如古列子仙乎仙乎其樂只今日道成有如此  
飄飄然泠泠然浩浩然憑虛御風而不知其所止

能仁院留題

漠漠連朝雨濛濛萬樹雲江聲隨岸轉漁唱隔溪聞  
天地詩中大樓臺畫裏分綺窗斜倚處仙客遠塵氛

晚晴

小雨收回遠嶂青  
晚來秋氣滿中庭  
明朝縱有晴光到也帶清涼入翠屏